

Underhawing mi he wòrft met 3 stemmen voor f  
6 tegen, afgewezen.

Eilandsraad d.d. 1 sept '15  
Voorzitter Griffier -



Griffie ER Bonaire	
Ingek.:	AUG 11 2015
Volgnummer:	2015008716
Griffier:	Uitv.:



Movementu  
di Pueblo  
Boneriano

---

# MOSHON

Informashon al kaso i ophetivo tokante di Struktura Estatal i un Referèndem Responsabel

---

Konseho Insular di Entidat Públiko Boneiru den reunion di 11 di ougùstùs 2015,

## Konsiderando,

- Ku resientemente un Konseho Insular nobo a keda formá i ku diferente di e miembronan nobo akí tin nesesidat di wòrdu informá riba e tóipiko di 'Struktura Estatal';
- Ku retonan i espektativanan ta hopi pa loke ta trata Boneiru su futuro Struktura Estatal, pero tambe ku e konsekuenshanan ku esaki ta trese kuné ainda no klaro;
- Ku komunidad ta spera ku tur miembro di Konseho Insular lo duna nan aporte den e proseso importante aki.
- Ku miembronan di Konseho Insular mester ta e proméan ku mester ta bon informá den tur loke ta trata legishashon i organisashon di un referèndem i e diferente forman di struktura estatal,
- Ku tur bentaha i desbentaha di un Pais Outónomo (modelo Lubbers) i di un Entidat Públiko mester keda diskutí den e forma mas amplio posibel den Konseho Insular;
- Ku tin un akuerdo/kompromiso irefutabel pa organisá un referèndem a korto plaso, esta promé ku dia 31 di desèmber 2015;
- Ku Konseho Insular ta para pa organisá un Referèndem responsabel ku ta bon planiá i ku ta kumpli ku stándartnan di Nashon na Uni;

Informashon al kaso i ophetivo tokante di Struktura Estatal i un Referèndem Responsabel

Ku miembronan di Konseho Insular, Kolegio Ehekutivo i Pueblo Boneriano den su totalidat mester ta bon informá pa por hasi un eskoho responsabel den e próksimo Referèndem;

#### **Ta disidí:**

1. Pa aloká fondonan pa frakshonnan den Konseho Insular organisá un fin di siman ku workshop primeramente pa tur miembronan di Konseho Insular, konhuntamente ku e diputadonan, ku e meta pa duna informashon balioso i ophetivo ku por guia i yuda kada un miembro di nos Konseho den toma di desishon;
2. Pa e workshop wòrdu organisá i kordiná pa Gezaghèber pa asina garantisá ku e informashon ta imparisial i ophetivo
3. Ku e workshop lo konsistí di mínimo 3 orador di kua por lo ménos unu lokal, dosentenan ku ta duna e materia na universidat, ekspertonan riba tereno di struktura estatal ku por duna instrukshon kon pa organisá un referèndem pa esaki por kumpli ku stándartnan internashonal i di Nashon nan Uni;
4. Ku e evento aki lo mester kulminá den un anochi informativo pa pueblo di Boneiru en general dunando oportunidat pa preguntanan na Gezaghèber komo e kordinadó di e workshop, pero tambe na e invitadonan;

I ta pasa pa órden di dia,

Elvis E.J. Tjin Asjoe (MPB)

Joselito J. Statia (MPB)

Desiree Coffie (MPB)